

**Ka Moporesidente
Dieter F. Utchtdorf**

Mogakolodi wa Bobedi mo
Boporesidenteng jwa Ntlha



Nako e e Siameng ya Go Jwala Setlhare

Roma wa bogologolo, Janus e ne ele modingwana wa tshimologo. O ne gantsi a supywa ka difatlhego tse pedi—se sengwe se lebile kwa morago kwa go tse di fitileng, se sengwe se lebile kwa pele kwa isagong. Dipuo dingwe di bitsa kgwedi ya Hirikgong Ka ene ka gore tshimologo ya ngwaga ene ele nako ya go lebelela (se se fitileng) le go ithulaganyetsa (se se tlang).

Dikete tsa dingwaga morago ga moo, ditso tse dintsi mo lefatsheng ka bophara dine tsa tswelela ka ngwao ya go nna le maikemisetso mo ngwageng o mosha. Ee go dira maikemisetso go motlhofo—go a tshegetsa ke selo se se farologanyeng gotlhelele.

Monna mongwe yo o dirileng mola o moleele wa maikemisetso a Ngwaga o Mosha o ne a ikutlwa a itumelela thata tswelelopele ya gagwe. O ne a akanya mo teng, “A re, Ka jaana ke setse ke tshegeditse go ja game, Ga ke ise ke latlhegelwe ke go tenega, Ke setse ke tshegeditse thulaganyo yame ya tsa madi, gape ga Ke ise ke ngongorege ka ntlha ya moagisanyi wame. Mme gompiano go di 2 tsa Hirikgong mme setsibosi ga se ise se lele mme Ke nako ya gore Ke tswe mo bolang. Go ya go tsaya dikgagamatsa gore ke fitlhelele maitlamo ame.”

Go Simolola Gape

Go na le sengwe se se gaggamatsang sa tsholofetso ka go simolola sesha. Ke akanya gore ka nako e nosi kgotsa e nngwe rotlhe re ne re batlile go simolola sesha gape mo sedirisiweng se se phepa.

Ke rata go nna le khomputara e ntsha le se bolokelo sa yone se sesha. Ka nakwana e dira sentle ka botlalo. Mme fa malatsi le dibeke dintse di feta le mananeo a mantsi ntsi a tsennngwa (mangwe ka bomo, mangwe e se ka bomo), kgantele khomputara e simolola go fokola, mme dilo tse e kileng ya bo e di dira ka pele le ka manontlhotlho di nna bonya. Fa gongwe ga e dire gotlhelele. Le go e simolodisa e ka nna ya nna kgwetlho jaaka fa se bolokelo sa yone se fetolwa ke dikhuduego tsa lerole la motlakase. Go na le nako dingwe tse selo sele sengwe fela se se ka dirwang eleng go phimola khomputara mme o e simolole sesha.

Batho le bone ba ka tlelwa ke dipoifo, dipelaelo, le makete a molato. Diphoso tseo re di dirileng (gotlhe kabomo le mo eseng kabomo) di ka re gatelela mo go lebegang gole thata gore re dire seo re se itseng re tshwanetse go se dira.

Mo kgannyeng ya sebe, go na le dikgato tse di gaggamatsang tsa go simolola sesha tse di bidiwang

boikotlhao tse di re letlelelang gore re phimole dibolokelo tsa rona tsa mo teng tsa go tlelwa ke makete mo dipelong tsa rona. Efangele, ka kgakgamatso le bopelothomogi jwa Tefo ya ga Jeso Keresete, e re supegeditso tsela ya go phephafatsa mewa ya rona mo lesweng la sebe mme gape re nne bashwa, re itshekile, ebile re sena selabe sepe jaaka ngwana.

Mme fa gongwe dilo tse dingwe dire fokoletsa tlase le go re emisetsa morago, di re dira gore dikakanyo tsa rona di se nne ka bonatla le go dira gore go nne thata gore re simolole.

Go Tsisa Mo go Gaisang go Rona

Go baya boikaelelo ke mokgwa o o boikanyego. Re itse fa Rraetsho yo o kwa Legodimong a na le maikaelelo ka gore O re boletse gore tiro ya Gagwe le kgala-lelo ke “go tsisa go diragatsa bosasweng le botshelo jo bosakhutleng jwa motho” (Moshe 1:39).

Maikaelelo a rona a ka tsisa mo go gaisang go rona. Lefa go ntse jalo, nngwe ya sengwe seo se ka re faposang mo maitekong a rona a go dira le go tshegetsatsa maikaelelo a rona ke go a atolosetsa mo nakong e e tlang. Fa gongwe re diega go simolola, re emetse nako e e siameng go simolola—letsatsi lantlha la ngwaga o mosha, tshimologo ya selemo, fa re biditswe go nna mobishopo kgotsa mopresidente wa Mokgatlho wa Thuso, morago ga bana ba sena go tsena mo sekoleng, fa re sena go nna re tlogela tiro.

Ga o tlhoke taletso pele ga o ka simolola go sutelela mo tseleng ya maikaelelo a gago a tshiamo. Ga o tlhoke go emela go fiwa tseletso go nna motho yoo e betliweng go nna ene. Ga o tlhoke go emela go lalediwa go direla mo Kerekeng.

Fa gongwe re kgona go dia dingwaga tsa botshelo jwa rona re emetse gore re tlhophiwe (bona D&D 121:34–36). Mme seo ke kakanyo e e fosagetseng, O setse o tlhophilwe!

Mo dinakong dingwe mo botshelong jwame Ke ne ke nna masigo a ke sa robaleng ke ngakaletse le dikgwetlho, matshwenyego, kgotsa kutlobotlhoko yame. Mme mo go sa kgathalesegeng gore go lefifi la bosigo

jang, Ke nna ke rotloediwa ke kakanyo e: mo mosong letsatsi le tlaa tlhaba.

Ka letsatsi lengwe le lengwe le leshe, tshimologo e e ntsha e e tla—e seng fela go lefatshe mme le mo go rona. Mme ka letsatsi le leshe go tla tshimologo e ntsha—tshono ya go simolola gape.

Mme Fa Re Ka Tlholwa?

Fa gongwe selo seo se re busetsang morago Ke poifo. Re ka nna ra tshwa re tshoga gore ga rene re atlega, gore re tlaa atlega, gore re tlaa tlhajwa ke ditlhong, gore katlego e ka nna ya re fetola, kgotsa gore re ka fetola batho bao re ba ratang.

Mme ka jalo re eme. Kgotsa ra leseletsa.

Selo se sengwe se re tlhokang gore re se gakologelwe fa go tla mo go beyeng maikaelelo ke sena: Gongwe re tla tlholwa—mo go feteng nakong e khutshwane. Mme gona le gore re nyeme moko, re ka thatafadiwa ka gore thaloganyo e e phimola ketsake-tsego ya go nna ka botlalo jaanong gone jaana. E amogela gotsweng kwa tshimologong gore ka nako nngwe kgotsa e nngwe, re ka nna ra wela tlase. Go itse sena kwa pele go tsaya bontsi jwa go gagkamadiwa le go nyema moko ga go tlholwa.

Fa re atamela maikaelelo a rona ka tsela e, go tlholwa ga go kake ga re kganela. Gakologelwa, gore le fa tota re ka tlholwa go atololesegela kwa re go batlang, kwa kgorogong e re e eletsang ka bonako, re tlaa bo re dirile tswelopele mo tseleng e e isang teng koo.

Mme se se botlhokwa—seo se raya sengwe.

Le fa tota re ka wela tlase mo moleng o re o tloang, mme go tswelela mo mosepeleng go tlaa re dira batona go feta se re neng rele sone.

Nako e e Siameng ya Go Simolola Ke Jaanong

Seane sa bogologolo sa re, “Nako e e siameng ya go jwala setlhare ke dingwaga tse 20 tse di fitileng. Nako enngwe ya bobedi le go gaisa ke jaanong.”

Go na le sengwe seo se makatsang sena le tsholofetso ka lefoko *jaanong*. Go na le sengwe se se thatafatsang ka netefatso ya gore re itlhophela go tsaya tshwetso jaanong, re ka sutela pele gone jaanong.

Jaanong ke nako e e gaisang go simolola motho yo re batlang go nna ene—e seng fela dingwaga tse 20 gotsweng jaanong mme gape go isa bosakhutlheng.

GO RUTA GO TSWA MOLAETSENG O

Mopresidente Uchtdorf o tlhalositse gore fa re tlhola ke go tshwara maikaelelo a rona, “re ka thatafadiwa. . . . Lefa tota re ka wela tlase mo moleng wa rona wa pheleletso, re tswelela kwa pele fela mo mosepeleng go tlaa re dira gore re nne batona mo go se re neng rele sone pele.” Botsa maloko a lelwapa gore ba abelane maitemogelo ao ba neng ba ithutile mo dikgatong go feta gotsweng mo maduong, jaaka mo go alogeng gotsweng sekolong kgotsa go amogeleng katso.

BANANA

Nna Mo Seemong Se Se Gaisang— Simolola Jaanong

Mopresidente Uchtdorf o re ruta gore “maikaelelo a borona a ka tsisa mo go gaisang go rona.” Akanyetsa go baya maikaelelo mo dintlheng tse pedi kgotsa tse tharo tsa botshelo jwa gago, jaaka botsogo jwa mmele, botsogo jwa semowa, le botsalano, ele sekai. Ke dikatlego dife tse o ratang go nna natso mo dintlheng tse ngwaga ona? Jaaka fa o rapela akanya ka maikaelelo mangwe, netefatsa gore di ka kgonagala mme di ka tlhoka gore o gole. Mo jenaleng ya gago, tlhalosa maikaelelo a gago ka botlalo gore o tle o bone tswelelopele ya gago fa ngwaga o fela.



Tumelo, Lelwapa, Thuso

Mmishene wa Selegodimo waga Jeso Keresete: Mokaedi (wa dilo)

Ka thapelo ithute sedirisiwa se mme o batle go itse gore o ka abelana eng. Go tlhaloganya botshelo le mmishene wa Mmoloki go ka oketsa tumelo ya gago jang mo go Ene le gore go ka segofatsa jang bao o ba tlhokometseng ka thuto ya ketelo? Go bona molaetsa yo montsi, ya ko reliefsociety.lds.org

Se ke nngwe ya ntlha ya Melaetsa ya Thuto ya Ketelo e e nang le nngwe ya mmishene wa ga Jeso Keresete.

Jaaka fa re tlhaloganya Jeso Keresete ele sekao sa rona mo sengweng le sengweng, re ka oke-tsa keletso ya rona ya go Mo salang morago. Dikwalo tse di boitshepo di tletse ka gore kgothatsa go sala mo dikgatong tsa ga Keresete. Go Banifae, Keresete o ne a re, “Mo ditirong tseo le boneng ke di dira le lona gape le tlaa di dira” (3 Nifae 27:21). Go Thomase Jeso o ne a re, “Ke nna tsela, le boammaruri, le botshelo: ga go motho ope yo o tlang go Rara, mme fa e se ka nna” (Johane 14:6).

Gompieno baeteledipele ba rona ba re gakolola gore re tlhome Mmoloki ele sekao sa rona. Linda K. Burton, moporesidente wa kakaretso wa Mokgatlo wa Thuso, o ne a re, “Fa mongwe le mongwe wa rona a na le dithuto tsa Tefo di kwadilwe kwa boteng ga dipelo tsa rona, jalo re tlaa bo re simolole gonna batho bao Morena a batlang a nna bone.”¹

Moporesidente Thomas S. Monson o ne a re, “Morena le

Mmoloki wa Rona, Jeso Keresete, ke Mokaedi le nonofo ya rona.”²

A re tseyeng tshwetso ya go atumela go Jeso Keresete, go obamela melao ya Gagwe, le go iteka thata go boela go Rraetsho yo o kwa Legodimong.

Gotsweng Dikwalong tse di boitshepo

2 Nifae 31:16; Alema 17:11;
3 Nifae 27:27; Moronae 7:48

Gotsweng mo Ditsong tsa Rona

“O tshwaile dikgato mme a etelelepele tsela,” ga kwala Eliza R. Snow, moporesidente wa bobedi wa kakaretso wa Mokgatlo wa Thuso, a bua ka boruti jwa sefatshe jwa ga Jeso Keresete.³ O ne a ruta batho—ka bongwe ka bongwe. O re rutila gore re tlogele tse di masome a robang bongwe le boroba bongwe go ya go pholosa ele nngwe e e timetseng (bona Luke 15:3–7). O fodisitse le go ruta batho, le tota go tsaya nako go mongwe le mongwe mo matshwititshwiting a a 2,500 a batho (bona 3 Nifae 11:13–15; 17:25).

Go basadi ba Baitshepi ba Malatsi a bofelo, Moporesidente Dieter F. Uchtdorf, Mogakolodi wa Bobedi mo boporesidenteng jwa Ntlha, o ne a re: “Lona barwe-etsana baba makatsang lo fa tirelo ya bopelotlhomogi go ba bangwe ka mabaka ao a gaisang dipoelo go lona. Mo go seo lo etsa Mmoloki. . . . Dikakanyo tsa Gagwe dine ka metlha di reeleditswe go thusa ba bangwe.”⁴

DINTLHA

1. Linda K. Burton, “Is Faith in the Atonement of Jesus Christ Written in Our Hearts?” *Ensign* kgotsa *Liahona*, Nov. 2012, 114.
2. Thomas S. Monson, “Meeting Life’s Challenges,” *Ensign*, Nov. 1993, 71.
3. “How Great the Wisdom and the Love,” *Sefela*, sabo. 195.
4. Dieter F. Uchtdorf, “Happiness, Your Heritage,” *Ensign* kgotsa *Liahona*, Nov. 2008, 120.

Ke ka dirang?

1. Ke ka goreng le gore ke ka jang Jeso Keresete eleng mokaedi go nna?
2. Go ruta bakaulengwe bao ke ba etelang go ka nthusa jang go sala Mmoloki morago?